



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-1-51/23
Datum: 3.4.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

ODLUKU o izboru najpovoljnijeg ponuđača

Član 1.

Najpovoljniji ponuđač u postupku javne nabavke **materijala za čišćenje**, objavljenom na *web* Portalu javnih nabavki Bosne i Hercegovine, Obavještenje o nabavci broj 1110-7-1-1-3-25/23, dana 15.2.2023. godine i Ispravka za Obavještenje o nabavci broj 1110-7-1-1-8-32/23 od 17.3.2023. godine, a koji je proveden postupkom konkurentskog zahtjeva za dostavljanje ponuda, je „**KECKOM**“ d.o.o. **Banjaluka**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke materijala za čišćenje je konstatovala da je rok za prijem ponuda bio 27.3.2023. godine do 12:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača: „GLAS SRPSKI TRGOVINA“ a.d. Banjaluka, „KECKOM“ d.o.o. Banjaluka i „AERO EXCLUSIVE“ d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-1-50/23 od 3.4.2023. godine, u kojem su detaljno obrazloženi razlozi za izbor najpovoljnijeg ponuđača.

Pomenutim zapisnikom je utvrđeno da uz ponudu ponuđača GLAS SRPSKI TRGOVINA a.d. Banjaluka nije dostavljena punomoć kojom je ovlašćeno lice koje je podnijelo ponudu u ime ovog ponuđača. S obzirom da je ova ponuda nepotpuna i nije u skladu sa Tenderskom



dokumentacijom Komisija je ocijenila nepravilnom i kao takvu odbacila, te nije bila predmet daljeg razmatranja.

Takođe, zapisnički je utvrđeno da ponuda ponuđača „AERO EXCLUSIVE“ d.o.o. Sarajevo sadrži računsku grešku, te je ovom ponuđaču upućen zahtjev za prihvatanje ispravke računске greške, a koji je istu prihvatio, što je potvrdio svojim odgovorom od 31.3.2023. godine.

Daljom analizom zapisnički je utvrđeno da ponude ponuđača KECKOM“ d.o.o. Banjaluka i „AERO EXCLUSIVE“ d.o.o. Sarajevo ispunjavaju zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su ove ponude kvalifikovane, pravilne i prihvatljive u pogledu dokaza koje dostavljaju ponuđači, a dokumenti su dostavljeni na način kako je to definisano tenderskom dokumentacijom.

Analizom ponuda, u postupku sa kriterijumom najniža cijena, nakon provedene e-aukcije, Komisija je utvrdila da je ponuda ponuđača „KECKOM“ d.o.o. Banjaluka **sa ukupnom cijenom od 10.844,00 KM bez PDV-a, odnosno 12.687,48 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Nanić

digitalno potpisano / digitally signed